

海豐吳氏石蓮盦彙刻九金人集

莊靖集



第二十冊

莊靖先生遺集卷之九

碑銘

重修真澤廟碑



六十一

柳子厚書南嶽大明寺律和尚碑陰贊者公室禮得  
用碑以葬其後子孫不去遂銘德行用圖久於世及  
秦刻山石號其功德亦謂之碑而其用遂行自是所  
在營建者莫不用焉大朝龍集庚子九月十五日丙  
子悟真觀樹落成之碑冠蓋雲集酌酒相慶循故事  
也或者謂碑之所云異其名也名雖異人心未嘗異  
也所嫌者材不中度不足以壯福地此處自有石豈

三言

莊靖集卷九

一

無知者乃相率而求之於荒榛閒微露節角出土而  
得之真良璞也德方以易卦筮之得臨之節有大而  
可觀之象於是命工加磨礪焉無毫髮恨父老愕然  
相視曰夫神所依者人其有所待邪或廢或興亦其  
數邪事與時會豈偶然邪是廟也自唐天祐迄今三  
百餘年庇庶一方實受其福水旱疾疫禱無不應貞  
祐甲戌烽火以來殘毀殆盡幸而存者前後二殿神  
且不安人其安乎由是感激奮厲踊躍就役斧斤者  
陶甃者版築者污墁者不募而來不勸而從缺者完  
之仆者起之繪事之墁漙者色之不日而新無愧於

初父老請以其事實之碑德方笑而諾之就用其石  
慰人心也其使之敬鬼神向立化振仙風德方有力  
焉因索予爲文以刻之其詳具於前後之作者言之  
則幾於贅姑頌之以詩以告其成云

王屋川原自秋色 爽塏變荒土 騰空仙馭遠

閱歲遺廟古 頽基埋草莽 敗壁剝風雨

枯松噪寒鴉 老瓦竄饑鼠 煌煌星各位

耿耿月獨苦 鞠躬香火民 默與杯琖語

真游厭塵雜 非類敢狎侮 豈惟奪時享

乃又虐神主 曾無一震威 蕩滌還淨宇

三音三十六

莊靖集卷九

二

黃冠得仙李 起廢心已許 聞聲應如響

爭地築環堵 圖全出眾力 能事在一舉

周旋禮俗中 百福神所予 刻石示將來

不朽邁石鼓

重修王屋山陽臺宮碑

王屋山者在底柱析城之東仙家謂之清虛小有洞  
天三十六洞天之一也壇之南十六里曰陽臺觀者  
小有洞天之一也其靡然而逝隆然而起似近而遠  
欲斷而連隱隱乎山之陽者九龍戲珠嶺也東向二  
百步許溢天一之水白而不濁甘而不壞爲九鼎金

丹之祖者洗參泉也巖竅其腹廓然有容噓吸元氣  
與山澤通者西北白雲洞也位高而自抑勢仰而還  
俯如竦如懼如趨如附北面而朝壇者華蓋峯也亂  
峯之間邃而深幽而往窈窕而入延袤而上者紫陽  
谷也樹林叢翳虎豹卻走蕭爽森肅鬼神護守者上  
方院也自是出避秦溝陟瘦龍嶺躡仙橋欵天門然  
後登壇而朝玉頂凌風汗漫披雲杳冥其去天闕猶  
咫尺爾時天界諸天悉以天衆見於每歲朝山之會  
宜其爲洞天之冠也大唐中中巖道士司馬鍊師始  
奏置陽臺觀道場立像而嚴奉之並御書額壁畫神

仙龍鶴雲氣等升降輦節羽儀金彩輝光滿宇遣監  
齋韋元伯齋圖畫事跡題目奏聞時開元二十三年  
六月十二日也立祖之教繇此而振山林學者皆生  
無上道心不退轉志宜其爲福地之冠也又按司馬  
別記曰余屈王屋清虛洞側獲真篆仙經二品一曰  
元精一曰丹華又觀玉皇寶籙乃知上古丹寶並傳  
而莫不遐年自夏禹後遂止亾有繼者余不敢媿泄  
復藏於名山以俟其人開元十七年仲秋十五日記

以是考之陽臺觀之成也在司馬鍊師藏丹寶後之  
六年開元二十三年乙亥也下值大金貞祐二年甲

戊凡四百八十年兵火而毀觀改曰宮隨世沿革崇  
其名爾嗚呼王笈秘文流運道氣猶有昇沉之時况  
巍峩華構豈無成壞邪累代重規一夕焦土草木色  
斂烟霞氣沮方外之游未嘗過而問焉正大四年丁  
亥林州先生王志祐由平水抵王屋周覽勝區感嘆  
陳迹慨然有動於心邑令及司氏昆仲挽留住持養  
道餘暇以起廢爲事不募而役集不鳩而材具變污  
以潔易故而新宏大殿堂修直廊廡復靈官之位列  
齋廚之次接遇則有賓館招納則有道院其用簡其  
功速旋天關回地軸華日月而平北斗其爲力也大

四百十三

莊靖集卷九

四

哉廢始於戊終於戊興始於亥終於亥一紀而廢一  
紀而興疑其有數存乎其間爾先生少業儒術長慕  
立理年高行積境滅心休幽人逸士望風稟受號曰  
棲神子一日與余邂逅於山前頗得其所長蓋以靜  
爲基以慈爲寶慤而愿厲而溫有竹林高致不肅傲  
升平有盤谷雅尙不輕欺富貴味老子五千言不讀  
非聖書悟廣成長生說不作矯俗事龍伯鈞後長愁  
海上之鼇子晉歸時難駐雲閒之鶴大朝已亥歲三  
月二十二日壬辰登真於嶽雲觀春秋八十有八其  
徒曰定曰忠曰祥曰玄曰溫索余文其碑故欣然書

之以示來者其辭曰

太行碑兀連巨王屋天設之險矣神奇所畜

煙蘿渺然若化若遷誰其主者命小有之天

天台鍊師而卽宮于茲奕奕榮觀人百世之基

中原驛騷劫火莫逃天庖焰毒燎毀仙所巢

猗歟王公豈復此故宮宮彼徒者清始終厥功

事舉其墜風振其頽濫觴立源實實枚枚

欲去者留旣往者來雲軒羽蓋肅馬徘徊

突峯秀巒光凝翠寒乍隱乍見聳如髻鬢

泉涌流決巖回岸薄或抑或揚響如珮玦

三百四十一

莊靖集卷九

五

柏茂松悅芝芬桂芳可糗可糗旣壽且康

鶴翥龍矯鸞翔鳳鳴可駕可駟游乎太清

朝煙暮霞我仙所家坐閱人世浮如落花

大哉道域悠久不息何以誌之他山之石

縣令崔仲通神霄宮祭孤魂碑

人之生或幼而殤或壯而夭或幸而不殤不夭獲考  
終命者則熒而獨或不幸而遭天之變人之禍邦之  
憲身沒而名滅者宗亦覆吁幸不幸皆命也其視世  
其家碑其墓廟其貌而配饗不絕者異矣夫不幸之  
中又有幸不幸者焉人死曰鬼鬼者歸也故鄭子產

有言曰鬼有所歸乃不爲厲吾所以歸之政謂此也  
道否以來刃政交惡玉石俱焚寃魂無依哭聲相聞  
哀於泰山之虎猛悲於桓山之鳥別其無所歸幾何  
不憑於人而爲厲者哉當是時也生且不遑恤况夫  
死者乎獨晉城縣令博陵崔公達惻然有動於心乃  
於野外拾遺骸而瘞之又與前上清宮提點大師孫  
景玄道正李處靜十月十五日就本州神霄宮設黃  
籙大醮爲壇位而祭焉其幼而殤壯而夭者在此位  
幸而不殤不夭考終命而焚獨者在此位不幸身沒  
名滅覆其宗而無配饗者在此位師乃於立科之外  
以幽明之故始終之說施報之理因果之事發揚呈  
露豁人心而駭鬼聽公乃吉蠲從事其迎來也有餘  
敬其送往也有餘哀欲其慘而來舒而往新大故小  
皆適其歸嗚呼恤人之所不遑恤使不爲厲合於子  
產之言識者以爲知禮其可以無辭乎銘曰

雅廢國屯

四海揚塵

魂兮來兮

天地廓清

虐焰方沃

蠆蜂搖毒

魂兮來兮

鱷鯢被戮

干戈厥躬

腹背勍敵

魂兮來兮

靈臺偃伯

骨肉不收

離居蕩析

魂兮來兮

宜爾室家

不周之粟

不虞之臘

魂兮來兮

今薦馨德

不屋而號 不宮而弔 魂兮來兮 今有寢廟  
忠肝義膽 不辱不屈 魂兮來兮 此乃血食  
暴露風日 沙塲草白 魂兮來兮 此乃掩骼  
洋洋如在 曳曳而出 公之豐潔 是亨是格  
如歆而類 如祀而族 公之信孚 宜介之福  
郡侯段正卿祭孤魂碑

無戰之國民多壽好戰之國民多夭夫戰危事也民  
之壽夭係焉春秋二百四十二年閒書戰者二十三  
內戰敗績六外戰敗十二豈惟戰哉其侵伐襲討潰  
滅殲獲等例書者不絕故其民壽者少而夭者多豈

唯民哉死而不得其所者何可勝紀或見於新城之  
巫或噓於貝丘之豕或踊搏於寢丘之夢或叫登於  
昆吾之墟或如若敖之餒於楚或如伯有之懼於鄭  
或與獻子而相訟或同實沈而爲祟皆不得其所而  
又無所歸可哀也哉聞內史過之言者則以物享之  
用鄭子產之事者則撫之乃止由是鬼有所歸無復  
爲厲故筆之以爲春秋法自中國雅廢以來天道在  
北日尋干戈無異於春秋之時靡爛之餘百怪爭見  
無異於春秋之民吁是時也孰能以春秋之法享而  
止之哉澤州長段直念常在此欲爲之而未暇也歲

在鵝火毅然力行之應於郊野暴露之骸斂而哀之  
卜葬於馬英得鳳凰之兆且其繇曰鬼宿騰芒積尸  
在傍月建之下可以伏藏正月十一日壬午隨所指  
而窆焉乃以信士劉巨川檢舉典常嚴修祀事外內  
戒飭以洽百禮建立壇塲設無上黃籙淨醮三晝夜  
位分三百六十不以遠近無主孤魂并投壇附薦公  
靈等衆一切召請而祭之十五日丑時解席告畢以  
清虛大師前提點上清宮太上昇立內教秘籙弟子  
賜紫孫景玄妙達大師前管內威儀太上正一三五  
都功賜紫李處靜奉行法事暨法籙道士程德元等

四十餘人三時行道華夏步虛備演三洞靈章敷露  
五方真文拜表啟玄散花賦水惠風與薊燎清塵壁  
月共燈輝縞夜無礙筵前至者相憐昇仙橋畔度者  
爭先聽元始符命受九真之戒佩昇天寶券出五苦  
之獄悔深吝消行高障滅迴脫冥津咸躋道域嗚呼  
死生之說果何如哉夫死者生之盡物之變者也其  
有知乎其無知乎豈蕩爲大空與化無窮乎將與木  
俱腐乎豈精爽在天結爲光耀以助臨照乎將復乎  
還名山大川返其英靈之氣乎豈奮爲明神廟食人  
世福善禍淫乎將厭人間之勞貪南面王之樂乎是

未可知雖聖人亦所不言然而於死者之禮尤盡其  
詳者蓋欲盡其事死如生示民之不忘也以春秋之  
事考之則見矣謹屬辭而爲之銘曰

懷沙楚騷 江沈浪漂 不有巫陽 孰與之招

橫縱戰場 地塗肝腦 不有李華 孰與之弔

豺狼路荒 羈鬼相望 咸殄厥祀 君子攸傷

悠悠返魂 我公所賓 享之吉燭 靡疎靡親

肅肅靈壇 我公所建 誠之感格 靡近靡遠

盍簪星會 恪居精思 不倦於勤 用相其事

斂彼棄骸 葬筮之地 告以兆語 於良之位

言五十二

莊靖集卷九

九

暨啟冢土 其日壬午 入此穴處 靈其鼓舞

送之而往 迎之而來 來迎往送 且敬且哀

靡神不舉 無虐神主 以禮始終 宜福是與

亾者可矜 存者可恤 存亾之民 係公休戚

故王公輔之墓誌銘

世傳王氏周靈王太子晉之後以其是王家太子其

子孫遂稱王氏有二十一望各以分封食采而立史

記秦有王翦漢有王陵最爲顯姓太原瑯邪二望爲

尤著今按王姓非獨出於子晉之後又非分封食采

而得出太原瑯邪者子晉之後後漢逸民霸司徒允

魏司空利晉司徒渾後魏龍驤將軍慧龍梁太尉僧  
辯唐侍中珪並出太原漢諫議大夫吉晉司空祥及  
宋齊梁朝王氏盛於江右者唐宰相方慶皆出瑯邪  
王子比干之後以王爲姓者出河東天水六國齊王  
田建子孫以王爲氏者出北海陳留魏公子信陵君  
無忌子孫以王爲氏者出高平京兆公諱翼字輔之  
其先河中人疑王子比干之後世遠不得其傳祖明  
避靖康之亂徙居濩澤晉城之王城里父德遷於星  
輅鎮生翼驚姜之後不聞嘯聲者數旬王父以爲癡  
及能言與他兒小異性穎悟稍勤於學七歲常從師

晉十三

莊靖集卷九

十

行有誦杜牧之華清宮詩後師舉似歷歷能道之師  
頗奇焉八歲能屬文旣長日記千言應進士舉因感  
疾遂留意於醫與名輩全道趙子華友講究難素  
及本草物性藥證病源以拯濟爲務貞祐甲戌郡檄  
誘以巡檢南山土寇一日破葛萬賊性不嗜殺遂辭  
職晦迹月院山耽味經史百家之說每有疑事書之  
別卷疑釋塗去之尤精於易占無不應與人交尙義  
重然諾友愛同氣分財取眾房之所不取武城張氏  
數口遇盜不知所適公一日因採藥偶得張遺橐及  
書契瘞於巖下後其孤還給之寡婦李氏有少年安

姓者強娶之不從力斃之棄屍古墓繼而婦活公乃誘其父兄訴之官安服其辜人皆義之丁先生女以父亾值艱食兄鬻與豪民焦氏焦婦疾篤命公視之曰若差從公所欲報之公曰但得丁女可矣焦諾之婦安攜女而歸長嫁於汝陽庾氏醫不取利衆醫讓之曰予所重者人命奚以利爲利心一萌何異紆臂奪食乎咸愧其言薄游河南從者如市謂其徒曰汝輩若依得論語知之爲知之不知爲不知此兩句便可行醫如孫思邈者亦有所不知若不知爲知雖思邈亦不足敬盧氏劉氏各遣子學醫亦令二子說論

晉二十三

莊靖集卷九

七

語人或有疾醫不克痊公至問所服藥曰是也但病深藥未效爾及愈謝之曰非獨此藥亦向者服藥之功也常謂其子從儉曰人與汝有隙病而求治何以處之從儉徐應曰若羊叔子豈醜人者邪公首肯之致仕阿不罕特進在汝州忽暴風疾不語公曰服此藥三日愈十月又病公曰宜吐之後服立明粉半月愈恐來年十月病必復次年如期而病公曰此不須藥過後月十六日寅時無恙上遣太醫庾公來視疾服藥輒斃公曰藥勢太急正不勝邪故也日晡當復甦其二子哀泣求藥不許曰藥能起生人不能起死

人翼日寅時特進公斃十一月十六日也河內崔氏  
子年三十餘病不救將就斂公至曰此已不能藥當  
針之猶可活其父不信公三針而體溫明日再針而  
目開七日如故梁縣尉范某傷寒不起公曰六日汗  
解請藥曰善攻不如善守過五日昏眩左右手無脈  
妻子泣謝公熟視之徐笑曰勿驚汗將出矣傾刻汗  
而愈防禦完顏公問易曰當先理會心又問曰以靜  
以誠如水動則濁濁則不能照物王彥明問讀融經  
皆能誦之然臨證切融多惑何也曰汝旦口誦而心  
不悟譬猶按圖求馬果得馬乎時吉仲器在傍曰學

醫二十三

莊靖集卷九

三

者尙如此況不學者乎於秀老德老二人處悟禪理  
太原公處精術數誦古今才人詩得句法平生著述  
有素問注疑難二十卷本草傷寒歌括各一卷算術  
一卷古律詩三百餘篇長短句二百首雜文四十篇  
辛卯至日召子從儉謂曰早來望氣不祥我數將盡  
汝勉之過次年二月初八日酉時可免壬辰正月入  
汝陽山避天兵所臨遇游騎俘至營中被害皆如所  
占臨終語妻李氏我平日別無大過惡惟破葛萬賊  
不能無寃此其遺恨爾死於兵與死於病相去幾何  
古人視死如歸我死無憾男從儉必在可往求之李

氏以遺命入山見從儉曰我豈是要活爲汝父所囑  
今旣見汝死無恨矣終於玳瑁寨公始娶山陽張氏  
生三子長曰從約業進士次早卒季曰從儉再娶馬  
氏無子再娶李氏一子天從儉有父風業儒大朝委  
劉中試諸路精業儒人從儉中平陽選癸卯春將以  
某月日葬狀其父行託所友德老李子搢求誌諸墓  
故哀而銘之曰

家世儒業

靡忘厥初

尤所長者

活人之書

葛萬之賊

一掃滅迹

不忍於殺

乃退厥職

遭時之變

潛居月院

左經右史

好學不倦

三言四七

莊靖集卷九

十三

周流河外

聲震汝海

向風而從

無小無大

有疾則視

得祉於指

囊中探丸

起人之死

神妙不測

莫善於易

擬議而動

與時消息

恤人之寡

箠撻之下

贖人之孤

借禮而嫁

德如叔微

藥如宋清

宜其有後

不墜家聲

淺土之器

容於他方

有子克孝

護還其鄉

委骨原野

其誰與藏

魂兮獨歸

闕此立堂

姚子昂宜休齋銘

物極則反器滿則覆居安慮危身寵思辱金然屑塢

之臍玉則荆山之足室高爲鬼瞰貨積爲盜蓄名不

可貪利不可逐宜休宜休以小人之心爲君子之腹  
贊

中書君贊

心乎其畫腹乎其橐雲煙落紙龍蛇揮掃汲冢孔壁  
殷盤周誥嗟乎孤秦欲窮吾道黔首未愚彼惡先老  
嗚呼噫嘻天之將畧斯文也吾不得而知之天之未  
畧斯文也何屑屑乎使中書君而枯槁

啟

郡守段正卿上中書啟

某啟伏念職在分符有忝承流之寄權歸造物共推

三百二十七

莊靖集卷九

十四

論道之公凡預獎提奚勝慶抃欽惟中書相公經邦  
偉器佐命元勳自有典刑蓋是相門之相一變風雅  
或觀詩人之詩宰天下思天下之均遇國士以國士  
而待豈謂吹竽之末亦蒙推轂之私然鳧脛續之則  
憂念鷄肋棄之可惜猥辱袞袞之字願爲穎脫之錐  
光耀鄭鄉春同鄒谷某敢不勉所未至求爲可知白  
首效勤不憚執鞭之事赤心圖報寧無結草之功謹  
奉啟事躬詣台屏陳獻伏惟鈞慈俯賜照察

上行省中書啟

某啟伏以任尊百揆蓋優佐命之勳望峻三台咸仰

調元之化遠依大庇倍積歡悵欽惟行省中書相公  
治世棟梁清時羽翼唐資房杜遂開田口之基漢任  
良平竟啟卯金之運位常虛左志在圖南方當師渡  
之朝遠播公歸之詠以申伯之公文武是憲宜鄭武  
之職父子並爲不吐不茹激古人之風無黨無偏公  
天下之選致令庸瑣亦預甄收某暫脫戎行獲膺民  
寄忝荷璽書之賜重加哀字之褒承乏刀州增輝梓  
里某敢不益堅素守少效微勤待用無遺物幸充於  
狄籠見知則悅恩難報於蘇天

榜

言六十六

莊靖集卷九

十五

段正卿祭孤魂榜

易爲游魂遂著返終之說傳因化魄乃明爲厲之由  
未有所依是誠可恤雖卒歸於冥漠猶不昧於英靈  
勿仗道慈曷超幽域願殫欸素冀有感通謹擇某月  
某日命前上清宮提點大師孫景玄就某處設黃籙  
大醮三百六十分位祭一切無主孤魂并各家投壇  
追薦遠亾近化姻親及收斂暴露骸骨正月十一日  
安葬哀集誦念經文來春正月一日會疏將興法事  
預戒前期因豈無因有似樹花之落死猶不死還隨

月魄而生尙賴同心共成善果

崔仲通祭孤魂榜

伏念無可奈何者命歟終歸於盡不得其所而死者  
奚禍之深義有當爲祭而非諛况乃龍蛇歲在螻蟻  
生輕或因師旅饑饉之加或在桎梏巖牆之下以棘  
林爲長夜以薪野爲佳城京觀非楚子則誰封戰場  
無李華而誰弔達願傾誠懇庸蕙淨筵所望上格神  
休下開冥路聞而起起如從夢裏之呼樂且融融皆  
自隧中而出今請到講三洞寶經提點大師孫景玄  
擬於十月下元日就本州神霄宮設黃籙大醮一坐  
計陳一百二十分位祭河東南路無主孤魂并投壇  
追薦各家遠年近代姻親同登道岸富如王氏宜輪  
請命之錢貧似杜家可剪招魂之紙敢希勝侶同結  
善緣

高平縣瑞雲觀祭孤魂榜

王希及道淵

伏念縱橫血刃之兵毒痛安忍暴露衣薪之野精爽  
奚歸其生也不辰其死也無地徒有青蠅之弔奚勝  
黃鳥之哀形可復乎亦莫能於司命魂兮來些或有  
賴於巫陽所依者人得請於帝豈特融融之樂徧及  
黃泉抑令鬱鬱之居重見白日尙希善衆同啟虔心

孫講師約東亾靈榜

當壇謹按太上法籙修設無上黃籙淨醮薦拔孤魂  
亾靈等衆夤奉高真祈求拯濟除已依科闕奏外誠  
恐亾人從來未知壇內威儀誤有干犯重遭陰責須  
至出榜者

右具如前今出榜曉示亾靈等衆卽聽次第呼召昭  
與昭齒穆與穆齒無引非族無雜非類其間孝子順  
孫義夫節婦有新有故有長有幼無相棄背如在左  
右不臘之虞薦未必馨殺牛之鄰福未必受無求人  
祀無奪人享無嘯於梁無見於堂善有餘慶惡有餘  
殃天之施報無異存亾固當率相教戒敬心歸仰領  
受功德速求超度無致別有違犯故茲告示各使通  
知

音字  
莊靖集卷九

七

孫講師約束孤魂榜 式同前

右具如前今出榜曉示孤魂等衆卽聽呼召男有男  
位女有女位無亂人倫無參異類無託物爲妖無憑  
人爲祟無逞私憾無尋寃對無叫天無辜無請罰有  
罪其有強弱相欺貴賤相侮棄義陵上背恩憎主或  
號或呼或泣或訴或攘或奪或貪或妬輕躁跳梁笑  
傲狂舞前過未除重犯靈怒永繫幽囚難尋生路固  
宜率相教戒敬心歸仰欽受符戒速求超度無致別

有違犯故茲告示各使通知

開元寺重修經閣榜

本州開元寺經閣近遭壞劫幸有遺基雖存起廢之心尙賴贊成之力今則度材計費鳩役募工冀我同誠畢茲能事且平地爲山尙有往者豈道傍築室獨無成乎高下隨宜共敵黃金之地廢興有數復來白馬之經德不妄施福從實受暨善知識結大因緣

碧落治平院祝壽榜

竊以叢林標準法海津梁開諸佛方便之門證無上菩提之路雖云弘教所重報恩今請到因公和尚本院開演圓覺靜講爲國祈福祝皇帝萬歲伏願寶歷無疆洪基永固四海享太平之樂百僚崇相讓之風一切有情同登覺岸

結冬開講榜

伏念海會福田忽躍銜經之兔藏陰淨域尋來聽法之鷄物尙結緣人何昔境本州碧落治平院者近將就毀今復增新欲開重悟之門庸闡大乘之教今請到裕州寶泉山因公和尚結冬開演圓覺靜講一百日爲國焚修祝延聖壽者勿謂一花五葉止掉葛

藤要從萬水千山盡來瓶鉢庶幾善衆咸仰宗風

化供榜

伏以衲衣雲集共依彌勒之龕魚木雷鳴咸仰如來之粥顧茲香積賴我檀那但學雪峯住山莫訝趙州貪食常念助緣之力敢忘惜福之心幸免負牛頭之糧少望送南臺之米稍能添鉢無愧上堂

請益榜

竊以鐘鼓聲邊盡入雨花之界鉗鎚手底未施點鐵之功不有發明難成頓覺伏惟講主因公和尙維持宗教模範叢林孤如嶺表之雲瑩若波心之月雖長空過鴈不立文字然枯木龍吟無離語言身後茫然莫舉三生之話指箇歇處願揚百丈之風傾落妙音發蒙大衆曲垂慈憫無吝漿提

茶榜

詩人多識遂留茶茗之名文士滑稽乃立葉嘉之傳豈謂詩情之重或成水厄之憂驛徒致衛公之泉喫不得盧仝之椀今茲團月別具典刑與其强浮泛而體輕孰若自快活而心省甘易回頰枯免搜腸但歸愛惜之家以待合嘗之客

設粥榜

人方著土舉間賣劍而買牛歲雖在申不應乞漿而

得酒豈君子之不周急况居者之有積倉轉壑之民  
之四方者幾矣滿堂之樂如一夫之泣何宜損有餘  
以補不足

青詞

段正卿祭孤魂青詞

民不聊生豈亦自求之禍天無私應蓋由所感之誠  
爰憑丹悰仰干洪造臣誠惶誠恐頓首頓首伏念臣  
某立身艱險涉世憂危偶叨五馬之榮承乏三刀之  
寄欲使化霑遠邇惠及存亾可堪暴露之餘猶在照  
臨之下念就死之地以無罪而隱焉恐不善之殃所  
由來者漸矣冀悉宿愆之殄必須大道之依是用精  
建靈壇虔修法供肅延羽侶妙釋真科伏望上聖降  
臨衆真孚佑曲加哀眷開濟冥塗出彼黃泉咸賦融  
融之樂見夫白日罷形鬱鬱之嗟

崔仲通祭孤魂青詞

民雖易虐寧無就死之寃天豈私親蓋有感誠之應  
輒披丹懇仰瀆立穹伏念臣某遭世艱危脫身荼苦  
幸延殘喘念及非辜然命之短修皆莫逃其數爾而  
理有施報何如此其酷邪庶招冥漠之魂宜腆馨香  
之薦謹差穀旦爰敬淨筵萃羽裾之清流釋琳科之

祕旨伏望上真垂佑列聖降臨鑒是哀衷錫之嘉貺  
人生有限卒隨宿草之陳物化無涯妙證落花之果  
馬子華百日子九成追薦青詞

靡瞻匪父奚勝痛割之情不反者時尤切孝思之感  
輒傾丹款上瀆玄穹伏念臣父命不其延身莫能代  
向者劬勞之德今而冥漠之靈冀拯迷塗須憑法廡  
謹因卒哭肅建清壇萃琳宇之勝流演瓊科之秘旨  
伏望上真耶格列聖降臨亮是哀衷錫之休應多生  
積釁潛消玄籍之書未拔幽魂並造朱陵之境

劉濟之禳裁青詞

三百五

莊靖集卷九

三

生不可輕幸遂求安之請應由所感誓殫圖報之誠  
爰瀝丹悰仰酬洪造伏念臣某內守或戾外邪所侵  
蓋不善於養和敢遽期於勿藥心因默禱身卽小康  
願惟無妄之裁恐亦自招之咎不依大道曷洗宿愆  
是用祇建靈場精修法事肅延淨侶妙釋冲科伏冀  
上聖垂慈衆真孚佑蠲除過責殄息憂虞周濟存心  
保寧外內將安將樂不罹六極之凶難終難窮密賚  
一門之慶

郡守郭彥卿禳蝗青詞

民猶艱食幸逢多稼之秋物或爲妖欲作穉田之害

敢披丹欵仰叩洪私臣某誠惶誠恐頓首頓首伏念  
時雨旣霑嘉苗未實慮失垂成之望夙堅懇禱之誠  
爰建靈壇虔修法醮伏冀聖慈眷佑玄鑒照臨亮是  
精衷錫之休應遺殃悉殄並無入境之憂和氣潛回  
永納降康之佑臣無任祈天請聖激切屏營之至謹  
詞

馮裕之析城山祈水設醮青詞

民服其業式堅望歲之心神享者誠聿獲降康之佑  
肆披懇欵仰叩明靈臣伏念巖邑遺黎下田薄產切  
慮陰陽之沴或成乾溢之災爰卽祠宮精修法事仰  
祈冲佑垂鑒虔衷雲上於天常沐旣霑之澤稼豐於  
野屢書大有之年

三十四

莊靖集卷九

五

裴懷誠禳蝗青詞

臣某言民初務本恒深傷稼之憂物或爲裁益做畏  
天之戒爰輸丹欵預答洪私臣某伏念攝領郡符疚  
懷民事雖秋成之在邇柰田害之未除非誠則無以  
動於神而妖固不足勝夫德慮嘗在此爲之惕然故  
有事於靈塲冀潛垂於嘉應餘殃悉殄並無入境之  
虞和氣頓回不失有年之望

段正卿新居謝荅年豐青詞

物其多矣頗酬望歲之心天實佑之以篤降康之祐  
肆傾丹欸少荅洪恩伏念臣脫迹戎行分司郡寄所  
願公私之給仍求中外之安衛公子之居亦旣完矣  
漢良吏之職果能稱乎責恐難逃憂未嘗歇欲立於  
無過之地必依夫衆妙之門是用肅命清流虔修法  
事仰祈靈鑒俯亮精衷福錫厥民普浹三刀之境處  
鍾於後光增萬石之家

楊榮追薦母及姪男青詞  
無母何恃奚勝終慕之懷謂天蓋高未獲孝思之感  
爰披欸素仰賈圓靈伏念臣涉世多艱遭家不幸方  
三十四三 莊靖集卷九 三

痛虞丘之樹或憂謝氏之蘭感恐自貽應如此酷冀  
悉罪根之洗敢忘道廢之依是用延集羽流肅陳法  
供仰祈昭鑒俯荅哀悰長夜幽魂早遂往生之果合  
門殘喘潛消無妄之哉

齋文附  
事親爲大匪母何依徒深瞻望之悲未盡劬勞之報  
爰陳法醮周濟冥靈

崔時可舉子醮謝青詞

皇矣蓋高必以至誠而感居然生子允符吉夢之占  
爰罄丹悰仰酬洪造伏念臣某幼違慈訓長慕貞詮

稔經二紀之艱危遠賴一家之餘慶方篤奉先之孝  
俄膺錫胤之祥續莫大焉望不到此難稱生前之報  
預圖身後之修是用精建靈壇肅陳法供命琳宮之  
淨侶演瓊笈之沖科仰賴聖慈曲垂嘉祐豈惟見在  
潛消無妄之裁亦冀未來獲享自求之福  
業由所履遂分善惡之塗情未能忘故有死生之說  
輒輸危懇仰叩圓靈臣某系自孟孫出爲秦贅緹縈  
父器已修過去之緣衛友母存預證未來之果謹因  
誕月肅建靈場命琳宇之清流繹蕊章之祕旨伏望  
上真孚佑列聖降臨俯鑒愚誠式垂嘉貺敬終敬始  
益堅報德之心身後身前悉荷降祥之祉

三百七十一

莊靖集卷九

五

孫德爲弟男設醮青詞

家道或乖念其親之難保天鑒不遠諒所欲之必從  
乃罄虔祈庸償夙願臣某艱危茲久聚屬不收方懷  
急難之原仍建求亾之鼓居嘗慮此爲之泣然俯憐  
無告之民仰冒蓋高之聽緬惟靈鑒亮是哀衷旣壽  
且康永介一門之慶由中及外均蒙百福之崇

郭彥卿謝雨青詞

臣某言和氣未回徒切三農之望至誠所感遽霽一

溉之恩爰瀝精衷仰酬靈貺臣某叨膺民寄承乏州  
磨顧多稼之在田柰密雲而不雨恐因亢沴或害秋  
成肆仰懇禱之悰卽獲休祥之應神之所賜天且不  
違有闕必先式表年登之瑞無德不報難忘祀典之  
常

崔仲通中元醮青詞

天所親者無私惟德是輔人之應也以實有感必通  
肆蠲克享之誠仰瀆蓋高之聽伏念臣某幼違真教  
長昧玄風屬百年器亂之餘當四海毒痛之後艱苦  
萬狀保存一家上以慰陟屺之思下以全瓠犢之愛

三百五十五

莊靖集卷九

三

夫何修而致此寔莫大之幸焉尙慮過未能亾悔猶  
可及庶幾獲其終吉敢不爲之敬威冀滌罪根依須  
道廕是用謹差穀旦肅戴淨筵萃羽裾之清流繹琳  
科之秘旨伏望上眞孚佑列聖降臨荅是精衷錫之  
嘉貺爰念恢恢之網不失之疎益堅翼翼之心聿懷  
茲福

郭彥卿追薦夫人青詞

時往不返恒深逝者之嗟道窮必乖尤切慨然之感  
肆伸丹悃仰叩玄穹伏念臣官以恪居室靡遑處遂  
致起家之配俄成彌月之裁憂喜相尋禍福莫測事

寧免於一失義不容於兩全數寔難逃孽空自作冀  
悉餘殃之殄敢忘大道之依是用肅建靈壇虔修法  
供集琳宮之羽侶繹蕊笈之沖科周濟存亾普安中  
外伏望上真降鑒列聖垂臨荅是精衷錫之休貺克  
蕃厥後已符夢姑之徵不及其泉早賦出姜之樂

秦氏得子後報謝青詞

責已也周猶有求亾之恨應天以實庶幾所欲之從  
伏念某識昧玄風動違真教虞丘蚤歲遽纏風樹之  
悲謝氏晚年方覩庭蘭之瑞念常在此爲之惕然嗟  
窮而無告獨四者之民恐積者不善非一朝之故痛  
自懲而悔過若不及以檢身思滌罪根仰依道廕謹  
因穀旦卽事靈壇萃羽服之清流繹琳科之秘旨伏  
望上真垂佑列聖降慈荅是精誠錫之多祐無後爲  
大免貽不孝之譏由漸而來獲保有餘之慶

裴懷誠禳蝗青詞

膏澤旣濡已有順成之望嘉苗方秀或憂飛孽之裁  
爰罄丹悰仰干立造臣伏念民服其業稼多於田在  
三務垂成之功皆八政所先者食慮因貪類有害豐  
年肆堅懇禱之衷冀速餘殃之殄緬維靈鑒庸示休徵

莊靖先生遺集卷之九終

莊靖先生遺集卷之十

祭文

郭彥卿祭蝗文

三日爲霖已沐漑枯之渥八月其穫尙虞飛孽之哉  
方致虔祈遽蒙嘉應蓋以至誠而神感遂使大田之  
稼多無害有秋敢忘昭報肅陳菲薦仰荅靈休

又秋報祝文

旱蝗爲虐年穀未登肆殫懇禱之誠卽獲休徵之應  
不妨穡事有恤民勞屬大田多稼之秋皆上帝諸神  
之賜勝妖以德易儉爲豐祇薦菲儀仰酬景貺

卷十三

莊靖集卷十

又湯廟祈雨文

亢陽爲沴時雨久愆徒深稼穡之憂未荅雲霓之望  
神或不祐民何所依肆堅懇禱之誠冀獲休徵之應  
仰希靈鑒俯亮精衷普垂一溉之恩庸示三登之兆  
速回和氣密贊生成尙饗

史冲霄祭清源王文

導流旣東書備明乎禹績祭壇而北禮詳著於周官  
昔者封侯今而王爵善利於物克長厥靈驅雷叱電  
以張天之威騰雲致雨以澤地之產不愛其寶故時  
時而效珍所享者誠宜翼翼而懷福肅陳菲薦仰禱

明靈冀有感通曲垂眷佑

設醮祭亾靈文

嗟嗟汝靈生非汝有寄此浮世薤露易晞風花易墜  
倏然而來忽然而逝賀者未已弔者隨至亾者之魂  
存者之淚傷心哉陰德之門或子或孫蘭刈之後有  
時而生急難之原或弟或兄荆枯之後有時而榮投  
江爲父孝感者女化石爲夫思深者婦悲樹之風念  
親而哀望思之臺欲子之來顏死相繼一家忠義袁  
死相告一門忠孝嗚呼人之生世如夢一覺其閒利  
害竟亦何校生非所惡死非所好伊誰不然在順其  
道日月之行蹙其來往霜露之降助其悽愴雖在幽  
冥不昧英爽潔我庶羞宜其來享

設醮祭孤魂文

嗟嗟汝魂生何不辰罹此多難道器生輕時危命賦  
壽夭所係將軍一戰同爲枯骨游魂之變可哀可矜  
可弔可嗔虹蜺鑽額烏鳶啄面月苦霜白風悲露泣  
傷心哉時邪命邪何不幸邪蜂蠆之毒邪鱷鮪之戮  
邪彼氣之竭旗之靡邪彼血之流戈之倒邪泰山之  
哭虎之猛邪桓山之悲烏之別邪愛人之官鬼之樸  
邪爲人之役鬼之俵邪枕者之尸誰其封邪爨者之

骸誰其掩邪嗚呼天地之間人爲過客能壽幾何各  
反真宅何者爲休何者爲戚雖皆人禍亦乃天厄所  
棲者魄有兆有域所享者德有黍有稷魂兮不昧宜  
其來格

齋文附

擾攘茲久奚堪血祚之戈暴露者多長嘆衣薪之野  
今則遺骸旣掩旁魄未招欲通幽爽之靈庸致薦修  
之歎肅陳淨醮周濟冥塗

崔仲通祭孤魂齋文

佳城馬過益增鬱鬱之嗟華表鶴來徒切纍纍之恨

莊靖集卷十

三

諒惟冥漠不昧英靈肆陳黃籙之筮爲指朱陵之路

疏

趙子容之河州贈行糾疏

適齊而請難爲繼富之周在宋者辭宜有遠行之贖  
且聞大夫之無者貸豈惟君子則贈以言矧夫易足  
之廉望者肯來之惠

顯真觀重修三門疏

昔年樓觀之居幾成而壞今日煙霞之侶旣往復來  
相與合謀共圖起廢今則度材計費鳩役募工尙虞  
經始之難須借贊成之力敢希信士同結勝緣

請楊仲顯同住神霄宮疏 李德方

伏念白首鵝經頗媿山陰之士青雲鶴駕望來華表  
之仙某夙夜琳宮近經灰劫所欠煙霞伴侶風月閑  
人共堅弘道之心庸敝棲真之地伏惟先生主張宗  
教壯觀立門雖所樂者巖居亦何妨於市隱當如修  
靜暫辭蓮社而來那在季真更乞鏡湖之賜幸無固  
拒曲示光臨

請寶泉因長老碧落開講疏

一把蓋茅便是開山之祖九年面壁豈無立雪之人  
不舉話頭曷傳心印伏惟堂頭和尚花開震旦雷震  
叢林每笑古靈放光不許豐干饒舌宜示諄諄提耳  
之誨以破昏昏無眼之禪行處道場誰非法器寶泉  
巖下拈起拄杖便行碧落雲閒放下鉢囊且住宜無  
多讓少振家風

留請因老住持碧落治平院疏

五葉開時不昧栽松之境一庵破後忽來結草之人  
但恐緣疎豈求旦過隙光難挽講席易終方倦倦乎  
法中之王何屑屑乎桑下之戀當須摩頂授記何在  
擺手便行發藥叢林復萃鉢瓶之衆主張教闡載揚

鐘鼓之音少居高懷俯從衆望

竊以團圞坐上共話無生煩惱林中便覺重悟方悵  
達磨去後卻嫌彌勒生遲試拈一瓣之香爲闡三乘  
之教伏惟雲公長老機鋒峻捷戒行孤高曾向維摩  
問禪不許丹霞下著以一則語振祖師將墜之風於  
萬斯年祝聖主無疆之壽早陞法席伫聽潮音

開元寺重修經閣疏

劫火騰空忽碎雨花之界業風蕩地漸摧龍藏之基  
不救其危將歸於盡欲復翬飛之勢必須鳩僝之工  
見義則爲當仁不讓量財助役施雖毛髮之輕隨喜  
結緣行若丘山之積敢希善衆共啟誠心樂贊其成  
有光於後

莊靖集卷十

五

張村寺爲佛寂滅設齋疏

十方蘭若久爲灰劫之塵六祖叢林未覩花開之兆  
達磨歸去後彌勒下生遲雖鐵石人皆有向道心於  
瓦礫中誰是說法者因緣佛事舉似家風暮鼓晨鐘  
驚破龍蛇之地千山萬水喚回瓶鉢之流

史正之酒疏

伏念君子有酒旣多且旨衆人皆醉柰何獨醒可以  
忘憂遽宜就飲聊共孔文舉之客坐莫聽劉伯倫之

婦言惠然肯來永以爲好

燕子和重修陽城縣廟學疏

能修泮宮魯美僖公之化不毀鄉校鄭高子產之風  
天未喪文人能弘道本縣文宣王廟梁木將壞仞墻  
未窺牧兒爲薪刈之場童子無詠歸之地思與衆共  
期於一新是皆好事者爲之未見有力不足者當仁  
莫讓同氣相求庠序未遑久仰詩書之治弦歌不絕  
復還禮義之鄉

陵川縣重修廟學疏

郭子昭張仲德盧仁美

大成教立共尊百世之師釋奠禮行敢怠二丁之享

三言四七

莊靖集卷十

六

今則仞牆就毀廟貌無依雖漢之庠序未遑在魯則  
絃歌不絕大凡被三遷之教者有能用一日之力乎  
得助者多圖成也易梁其壞矣第形安仰之嗟學果  
廢邪能免不修之刺儻蒙許可請惠好音

本州廟學築牆疏

學久不修幾廢大成之教廟雖如故悉摧萬仞之基  
時然後興文斯未卷自行束修以上者豈無一簣之  
往焉所助者多其成也速敢希同志共力鳩工

段正卿西學請劉漢臣疏

鄭校不修舉是在城之子鄒館既假悉爲受業之人

須鳴其待問之鐘方鼓此入學之篋漢臣殿元先生  
吾黨領袖士林範模凡一卷而立之師不三年而至  
於穀行束修以上者就有道而正焉春暮風雩未迷  
詠歸之志秋涼燈火會看同隊之親勿倦發蒙當請  
主善

李君卿藥局會疏

秦緩未來罕悟膏肓之疾孟孫猶在復何藥石之憂  
生不可輕命由所養固嘗媿扁鵲之先見豈徒望叔  
微之陰功細詳肘後之方共濟籠中之物用雖一粒  
重若萬金知伯休之價乎守之不貳受康子之饋者

三言二

莊靖集卷十

七

達則敢嘗

張伯宜藥局疏

未精所業猥叨三世之醫欲濟於人賴有萬金之藥  
豈云小補非敢自私

李德方畫十王糾疏

善惡兩途難逃陰責幽明一致各有司存生而上柱  
國之榮死則南面王之貴不寫尊嚴之像曷伸夤奉  
之誠尙賴同心共求妙手

葬枯骨疏

禮備後人奚取衣薪之葬序迎春孟正宜掩骼之時

况久慘於毒痛尤不堪其暴露可爲矜恤當共瘞埋  
庶爲亾魂一同薦拔

又

禮詳月令具垂掩骼之文辭按離騷尤重招魂之些  
蓋所哀者民命其可後於天時爰收暴露之遺俾反  
措安之兆且希同志共贊陰功

抄簡疏

浩浩玄穹密運資生之化冥冥長夜良多不返之魂  
未知所依是誠可憫爰軫薦修之念但無幽贊之人  
與我同誠畢茲能事

三百二十

莊靖集卷十

八

抄紙疏

焚紙錢而祭唐之遺事用紙衣而葬周之儉風習以  
爲常俗莫能易然念鬼神之感豈求享祭之豐不腆  
冥財曷伸哀款庶能用恤須賴勸緣

抄經疏

譯而爲經作者爲聖豈惟貫道之器是亦升天之階  
將有事於靈壇可不資於精業仍希善衆共積陰功

陽城縣楊敬之重修太清觀四聖閣疏

奕奕靈宮爰敞棲真之地巍巍重構忽搖經始之基  
不救其危將歸於壞本觀四聖閣者光揚道域威護

法門歷歲月而漸深因風雨而就毀欲復輩飛之勢  
方圖鳩僦之工莫不聞風而悅之多見得道之助者  
宜堅信向同結勝因香火緣中載肅太清之境鼓鐘  
聲裏一新華夏之音

段正卿請講師孫仲遠疏

初罹多故長昧大方雖存恥過之心未有投誠之地  
不依法廕曷薦愚衷伏維提點大師洞貫立機表儀  
羽眾謂此道善於利物况其力可以回天咸仰登壇  
無辭枉駕儻垂惠肯何幸如之

喬舜臣酒疏

言三十一

莊靖集卷十

九

百年能得幾時斗酒可以自勞好向幕天席地縱意  
所如免使明月清風笑人不飲况值麴蘖事了何妨  
指點索嘗肯令坐上之尊空不比街頭之價貴一時  
勝友共醉新醅

穎陽鎮修宣聖廟疏

欲復漢庠雖在未遑之際當思鄭校常存不毀之心  
念道寔在於人弘文豈由乎天器今茲穎士不負孔  
門舞雩然有詠歸之風在城尙多挑達之子欲擇采  
芹之地重修釋菜之儀備禮執經得從茲而北面連  
年取第庶不減於西城

表

三和叔析城山祈請聖水表

東作西成方著舜耕之土春祈秋報必因禹奠之山  
蓋以享者克誠豈有求而不應臣伏念本境土兼冀  
壤儉襲晉風小人知稼穡之艱大早有雲霓之望神  
或不祐歲何以登肆堅懇禱之悰冀速休徵之應細  
惟靈鑒荅是精衷雨不失時以畢三農之務祀有常  
典仰酬一溉之恩

馮裕之析城山祈請聖水表

三代以還咸仰配天之澤百世而下猶多戴舊之民

言三五

莊靖集卷十

十

凡致虔祈必蒙嘉祐伏念臣某職專奉上志切憂時  
室家襲晉儉之風稼穡闢舜耕之壤慮因旱虐有害  
秋成是用謹詣靈宮肅伸懇禱仰希昭鑒俯荅精衷  
應若桑林咸沐溉枯之渥祀如那首敢忘降福之私  
上梁文

高平縣宣聖廟上梁文

百世大成之教將祀於天二丁釋奠之儀欲行無地  
庶幾見聖須賴有功况河東人物之豪在長平朱紫  
者半憫其梁木易壞勿牆未闕悉存起廢之心方屬  
未遑之際而乃良材計費鳩役募工於時則咸謂之

迂而爲之猶賢乎已點因言志必期春暮之風符欲  
讀書奚待秋涼之雨所望入其門見宗廟之美升其  
堂聞絲竹之音今則畚鍤具陳斧斤告畢謹差穀旦  
爰舉虹梁因採歡謠式揚善頌

拋梁東比屋衣冠似管中二十餘年荆棘地一朝

刮目見華風

西水浸城根欲斷時不見向來挑達子盡爲

市上買書兒

南謾說中牟異政三何以此開游學路流爲

萬古作名談

三百七十二

莊靖集卷十

十一

北路從闢後無楊墨琴堂美化及民新吏事

方知有儒術

上吾道隨時有消長邇來門戶爭相高要取

人間卿與相

下往日蔬園今學舍不遇當年董仲舒誰爲

後世修書者

伏願上梁之後家家俎豆處處絃歌政誇令尹之新  
人有君子之行不獨文翁之郡學亦能興抑令子產  
之鄉校無敢毀

湯廟上梁文

禮莫重於祭神所依者人享以克誠思戴商者久矣  
放而不祀肯與葛爲鄰哉肆堅肅敬之心爰敬奉安  
之地五丁爲之戮力百鬼爲之駿奔奕奕而新巍巍  
乎大庸俟斧斤之畢具修俎豆之容不日而成蓋天  
所佑今則謹涓穀旦肇舉虹梁因採民謠式揚善頌  
拋梁東人物熙熙樂土中了卻公田無箇事豚蹄

西人事天時一旦回  
仵聽春雷起  
驚蟄世間  
翹首望雲霓

南四面山光滴翠嵐  
惟有新城嘉潤地  
休功

三百九十四

莊靖集卷十

三

美利與天參

北宅土蒞蒞咸仰德  
慘舒一氣兩儀間  
無物

西人不資神妙力

上峻宇凌空雄且壯  
春祈秋報有常時  
靈既

應人如影響

下吹簫擊鼓農桑社  
百靈受職風雨時  
萬頃

伏願上梁之後俗化衣冠人離塗炭澤被九圍之遠

禮還三代之初精意感通慄慄桑林之事歡聲歌誦

洋洋那首之詩

神霄宮上梁文

金碧朝真之地劫火所焚斧斤起廢之人家風猶在  
方圖鳩僝俄覩羣飛莫不聞風而喜之未見有力不  
足者告成有日當落霞孤鶩之秋會集如雲盡佩玉  
鳴鸞之侶謹涓穀旦爰舉虹梁因採歡謠式揚善頌  
拋梁東萬象咸歸道域中靈宇巋然還舊觀共爲

上梁鼻祖立玄風

西成壤須知自有時技癢游人休疥壁留爲

君子看花題

南輦土夷荒共結庵絳帕蒙頭多少衆從今

莊靖集卷十

別耳聽玄談

北清高地位仙凡隔天風吹散步虛聲化鶴

時來千歲客

上冠劍登壇環珮響門外黃塵不見山致身

福地何蕭爽

下人物山陰隨所化不須更覓換鵝書手內

黃庭皆自寫

伏願上梁之後地天交泰神鬼護持徐甲復來不憚

掃除之役可元再出一新香火之緣

德邁于公素有高門之望賢如晏子欲更近市之居  
此心所安乃卜既吉爰即鳴珂之里以新衣錦之堂  
爲天下士欲得萬閒在大丈夫安事一室象蓋取諸  
大壯歌載播于斯干已許王翰爲鄰將見許伯入第  
謹涓吉日肇舉修梁因採歡謠式揚善頌

拋梁東崇構巍巍聳碧空天際浮雲風捲盡放教

土宇遠岫列窗中

西落霞孤鶩與齊飛扶搖萬里垂天翼肯向

枝巢借一棲

南百屋堆錢不可貪何如養取閑中趣漸漸

莊靖集卷十

十四

南百佳如食蔗甘

北歸意濃於山有色故鄉曾見幾人還多少

西落朱門鎖空宅

上子子孫孫枝葉壯不知更有貴甥誰能與

拋梁東崇外家成宅相

下壁上尤堪三絕畫更將黃卷教兒童學取

鄴侯書滿架

伏願上梁以後門闌多喜家道克昌鬼神爲之護持

民物於此安逸豈止梁間之燕咸賀其成抑令屋上

之烏皆知所止

崇安寺重修三門上梁文 僧圓勝

歲月既遷久曠莊嚴之境家風不墜大開方便之門  
結十方隨喜緣種三生無量福恃者眾力期於一新  
使檀越如此用心欲衲子有箇歇處謹涓吉日肇舉  
修梁因採歡謠式形美頌

拋梁東一旦精藍掃地空誰似崇安能超廢聖人

土一門戶見重重天幾平面聖少林神音向

西橫峯側嶺護招提卻還舊觀凌霄漢氣壓

龍門一望低

南瓶鉢生涯共一龕試問龍蛇今幾種前三

莊靖集卷十

五

音十七

三與後三三

三與後三三

北色卽是空空卽色有時天女散天花莫認

西毗耶居士室

西毗耶居士室

上一榻茶煙小方丈幾年面壁少林師肯向

餅菜東一人前呈伎倆

餅菜東一人前呈伎倆

紛築因下山林所在皆蓮社此心安處便宜休銷得

蓋頭茅一把

蓋頭茅一把

伏願上梁已後永光法界不墮劫灰看取佛堂放光

且爲道場起本金得長者之布日日而興衣自祖師

而傳源源不絕

三門上梁文

高平顯真觀三門上梁文 邵志淵

瓦礫積年未啟棲真之地斧斤一旦共爲起廢之人  
時然後興應者如響同力莫不相濟下手惟嫌太遲  
得助者多能事將畢謹差穀旦爰舉虹梁因採歡謠  
式形善頌

拋梁東壯觀立門似有功幽事不妨清淨念便從

林下立家風

西看破棲霞不肯棲別爲道場重起本紅塵

背鏡笑人迷

南杖屨山林處處庵但結臥龍岡下伴不須

莊靖集卷十

其

海上覓仙龕

北地位清高風雨隔一朝白日上清天得道

西看旌陽人不識

上有作有爲俱是妄問君何處是真游試向

鮮梁東挾仙翁山下望

下蕭爽殘年香火社姓名今已籍丹臺空界

時來鸞鶴駕

伏願上梁已後羽衣雲集宗教日崇不羨陶家隱居

如在壺公謫處靈宮載肅蓋多星斗之臨歷劫長存

自有鬼神之護

雜著

龜鏡山人陳時發屏風

道尊孔氏妙窺三絕之編市隱君平坐閱百錢之肆  
在憂患而作者其精微之教乎儻學者加以數年則  
愚者必有一得龜鏡角折五鹿閣東九師以變者爲  
占其應也如響滕公之室屈子之居晉隗炤之索金  
漢張伯之懷璧知來者逆情見乎辭筮而不從動則  
有悔莫靈如卦定因三畫之吞或泄此書未免六丁  
之取蓋有聖人之道以斷天下之疑秦鏡雖亾幸斯  
文之未器楚龜已朽賴其策之無遺問而以言瀆則

三百三十九

莊靖集卷十

七

不告

副元帥討亂臣諭將士

伊感自貽久露滔天之惡帝德乃大尙寬棄市之刑  
儻滋蔓而不除將噬臍其難悔某官某誘竊戎柄包  
藏禍心飛書構亂華之夷詭計爲奔軍之將幸免崇  
山之外放敢兆蕭牆之內憂眾叛親離人怨神怒雖  
欲不忌器而投鼠或恐以蹊田而奪牛若執小嫌有  
傷大義忠於爲國奮不顧身少正兩觀之誅彼自取  
爾趙盾一字之貶我其免乎無爲彼先勉出乃力

道藏經後

洪惟立祖遠振宗風垂三洞之靈文演一真之妙理  
要使學仙之子咸與道俱尙憂誤讀之人或遭陰責  
宜新刊正用廣流傳

劾張唐臣酒過

欲解憂於杜康佳期難遇俄立威於宵越和氣有傷  
民自速辜酒以爲禮序點揚觶而語杜蕢歷階而升  
罰以兇觥脅以童殺彼醉不臧縱意所如受爵不讓  
多言數窮登牀而忤鄭公脫靴而忿力士鳴夷過左  
阿君之家沐猴舞平恩侯之第自以爲適不知敗德  
自以爲真不知器身至有汝陽涎流公孫腹溢賀監

三言

莊靖集卷十

六

眼花夷吾舌出未歌驅駒先賦相鼠犯朱虛之令激  
灌夫之怒拳安劉伶之助帽脫張旭之頂曳墮地之  
遐罵到官之鄭不聞南康之納狂客不見後閣之遣  
窮賓在側雖有二豪所指豈惟十手醉猶未醒死而  
復甦初逐武坐之蠅便可去矣誰謂宋門之犬如此  
惡邪仰天而呼烏烏向空而書咄咄幾年程普方思  
公瑾之交一旦楚元罷設穆生之醴宜加薄責用儆  
非彝盍省前愆勿貽後患

酒檄 山堂酒不至戲檄以督之

人生貴在意適我輩况復情鍾念樂事之難并須同

欲之相濟山堂主人作真率會鬪見在身掉船尋賀  
老於稽山齋具邀淵明於栗里盜襲而飲者醉指瓶  
而索者嘗伶婦無言宋犬不吠乃有忘形爾汝痛讀  
離騷了一生於蠲螫視二豪如螺贏以其無公田而  
種秫故不待酉歲而乞漿莫謂寧逢惡賓亦可便稱  
名士獨不與李將軍爲地方且共江諮議論兵徒使  
汝陽涎流想見子幼耳熱醒猶未解釀可速傾得到  
於齊請鑒青州之事或薄如魯未免邯鄲之圍惠而  
不傷吝則有悔余言不食眾怒難犯

焚問舍券

三百九十二

莊靖集卷十

七

高堂主人好客不倦肇開東閣大闢南館坐上簪盍  
戶外屢滿客有趨起而不獲進者乃持問舍之券而  
見焉其文曰百尺樓前問舍萬人海裏藏身誰念入  
室相如四壁徒立自笑移居東野一物全無略敘幽  
懷勿嫌多事不欲起樓背山借宅種竹當門莪蘭開  
徑訪菊不欲犬吠於門梟鳴於木鬼嘯於梁鼠穿於  
屋所望取友必端序賓以賢屣爲粲倒席因賈前鄒  
不可不迎枚不可不澆醴如楚設榻似陳懸無使籍  
恥臣蔣雲羞吏宣謬謬者去唯唯者來紆餘者悅卓  
犖者哀豈樂正子後長者而不見而燕昭能自愧始

而築黃金之臺乎主人讀畢怒而投之地客懷歸以  
語鶴鳴鶴鳴曰吁夫心契則言入目擊則道存豈不  
見鳥能擇木木豈能擇鳥哉子欲以垂雲之翼投覆  
卵之巢其可邪乃取其券而焚之客於是浩然長往  
不數日主人及於禍而客免焉

求田

願爲聖人氓但得一廛田大庇天下士安用萬間屋  
我館既定我鄰旣卜人壽幾何生理易足約以自處  
能者養福非敢望設醴楚元指困魯肅馮驩食魚子  
思餽肉乃有鄭相葫蘆薛公昔菑陰將軍之蔥葉麥  
飯石季倫之萍薤豆粥吏部公之藜藿天隨生之杞

三百四十九

莊靖集卷十

三十

菊商山隱士之紫芝少陵野老之黃獨請學爲圃中  
有樊遲之祿至於華元羊羹庾悅鴉炙監州螃螬典  
籤熊白雖不至於嗟來而客不可以不速蓋在人者  
已所不爲在己者人所不欲以小人之心爲君子之  
腹是則釜不須轆鼎不須覆犬不須吠蠅不須逐無  
事而食有覩面目噫忘其朵頤之凶以養吾之老饕  
何其耐辱

悼犬

家有畜犬始善終惡衆勸烹之姑息閒

其惡彌甚戊戌秋烹以饗眾眾意頗快  
獨惻然悼之

非土性而畜常戒於書祖陽氣而烹敢違於禮生豈  
不好禍皆自求爾心則獸心食者人食其志不如槃  
瓠其力不及韓盧盜如在齊吠如在桀楚人之井爲  
汝溺宋人之酒爲汝酸孝子爲之去妻里媪爲之逐  
婦徐勉不敢以選宅楊布不敢以易衣飢則乞憐飽  
則反噬不敬而養雖猛何爲稍能聽指蹤於蕭何自  
可得終老於柏直孔門弟子寧無敵蓋之思噲等少  
年爭効鼓刀之勇有此行者其能免乎蓋與眾而棄  
之豈無故而殺者雖然逐兔難忘上蔡之情可柰嗾  
蔡終速桃園之禍

莊靖集卷十

三

莊靖先生遺集卷之十終

莊靖先生遺集

李俊民字用章別號鶴鳴老人唐韓王元嘉之後家於澤州少通程氏之學承安中以經義舉進士第一應奉翰林文字棄官教授南遷後隱於嵩山嘗遇隱士授以邵伯溫皇極數元世祖在藩劉秉忠盛稱之以安車召見廷訪無虛日遽乞還山卒賜諡莊靜集作莊靖先生世祖嘗曰朕求賢三十年惟得寶漢卿及李俊民二人澤守段正卿刻其遺集十卷山西通志

乾隆癸巳春余於百神廟會購得此集碎爛難閱及秋修整遂得完好因錄省志於首我朝顧子

七百三十六

莊靖集卷十

三

嗣立元詩選選先生詩爲一卷入乙集太平趙熟典藥齋記

此集惟當時段正卿一刻暨明正德李瀚重刻二本而已今並罕覩海內藏書家如小玲瓏山館馬氏愛日精廬張氏號稱富有亦止有傳抄本故四庫書目云板已久佚以寫本著錄也余己丑歲重游大梁乃得正德本於市上驚喜過望擬爲重梓以事牽率弗果適海豐吳仲飴太守有五金人集之刻聞余有此移書見假遂舉以畀之太守手自校勘凡四閱月而工竣余既幸茲集之有傳而

太守好古劬書之媿不可以勿紀也因識其緣起  
如此舊有太平趙藥齋氏一跋暨所錄山西通志  
一則並附刊於後云

光緒庚寅二月上浣義州李葆恂文石甫識  
余欲彙刻金源人專集爲一書王滹南集有淡生  
堂祁氏鈔本趙淦水集借得曹倦圃家鈔本李莊  
靖集雖有明正德閒刊本傳世絕少四庫收錄  
時卽據鈔本錄入以未見刊本爲憾向知陸氏  
宋樓及振綺堂均有鈔本王太史懿榮許爲借鈔  
於陸氏尙未得寄己丑冬晤李太守葆恂知藏有

五百五十四

莊靖集卷十

三

正德時刻本遂假以付梓是冬卓計入觀泛舟  
衛河少得閑暇乃於船窗校之按盧氏文詔補遼  
金元藝文志載莊靖集十卷錢氏大昕則列之補  
元史藝文志中卷數悉與今本合符喜無缺佚刊  
旣竣因誌於末  
光緒庚寅三月海豐吳重熹記



10325

